

**ORATIO FUNEBRIS  
DE LAUDIBUS  
IOANNIS MEDICIS  
S.R.E CARDINALIS:  
HABITA 7. K. DEC...**

---

Pietro Vettori








1015.13

VICTOR

1502

1015-13



ORATIO  
FVNEBRIS DE LAVDIBVS  
IOANNIS MEDICIS

S. R. E. Cardinalis: habita VII.

K. Dec. 1562.

A Petro Victorio in æde Diui  
Laurentii Florentiæ.



Florentiæ apud L. Torrentinum

Cum priuilegio.

MDLXII.



**M**ITTO ad te vir maxime illustris, tuorumque omnium amantissime, gratulationem à me nuper habitam in funere iohannis ardens Card. & mitto non solum quia statim me rogasti, ut tibi copiam illius facerem, verum etiam, quia tibi in primis illa debetur, & propter affinitatem, & propter mutuam ac singularem benivolentiam, quæ inter vos coniuncti fuistis quæ n. maiore cum voluptate laudes eius audiet celebrari, quam ille qui eas omnes in animo suo conditas habebat, et vinum adhuc auctorem illarum ob egregias animi dotes colebat. Quod si tantum in se bonis illa haberet, ut valeret aliquid ad eum ornandum, cui missa foret, profecto tibi ipsi illa etiam nomine maxime conveniret, qui sumus hoc ipsum magnificentiæ tuæ mirum in modum decorasti, & omni re, quæ potuisti, potes autem plurimis, celebrasti. Si vero coniugis tuæ, præstantissima femina, quæ dolore afflictæ domi sæt, illa in manus venerit, & tantam egritudinem levare potuerit vel saltem aliquam partem lacrimarum eius abstergere, magis adhuc letabitur: & sapienter me consilium hoc cepisse arbitror: quod enim officium tam humanum, & unum de maior fructus exoritur, esse potest quam ferre auxilium optimæ ac nobilissimæ feminae, cui pietas ac singularis amor in sui fraudi sit, ipsamque prorsus conficiat, & pene ad interitum perducere? Aliquid igitur horum efficere volui: atque utinam quod cogitavi, præstare potuerim. Tu vale, & illam miseram, omni nunc alio solatio destitutam, consolare. Florentia, V. K. Dec.

**S**I quis umquam secum de imbellicitate rerum nostrarum dubitasset; esseque aliquid in ipsis virium ac firmitatu credidisset, hic graui hoc acerboque nuntio accepto, erroris stultitiæque suæ admoneri potuit: planeque intelligere nihil esse incertius rebus humanis: nihil, quod tam facile dilabatur ac fluat. & quum venti nostri valde secundi: fortunæque prosperæ videntur, tunc maxime instare nobis aliquod immensum malum, vicinamque esse perniciem atque exitium ipsarum. Veinam huius rei minore nostro etiam damno documentum haberemus: deusque immortalis potius fecisset, ut in illo turpi errore permaneremus, quam ipsum è pectore tanto incommodo luctuque depulsemus. Sed certe decipere quemlibet, non insipientem etiam hominem, potuisset status undique eximius ac florens huius optimi atque innocentissimi adolescētis: cuius immaturam mortem hodie lugere hic debemus. ille namque initio sui cursus, quum tamen iam magnam spem magnarum suarum virtutum commouisset: sæpeque specimen aliquod maximi ingenii, raræ eruditionis, præclaræque indolis dedisset, subito extinctus est. nobisque miserabiliter ereptus. Erat sanè in te (quanto hæc cum dolore loquor) sanctissimæ iuuenis ætas, erant vires, erat corpus vegetum, quod diuturnam vitam, & eam quidem integram, atque omni dolore carentem, polli



ceretur. erat præterea disciplina domestica, quæ regere ipsam, visq;  
obstruere morbis atque omnibus ipsorum tentationibus facile pos-  
se videretur. Sed hæc omnia vicit importuna quædam vis ac tem-  
pestas sæuissîma, quæ inuidit nobis tam præclarum bonû: inciditq;  
ac fregit spes omnes nostras, bene sapienterque constitutas: Fuit  
profecto Demetrius, ille Phalarcus, ob studia doctrinæ, & ob temp.  
Atheniensem, quam optime digessit, ac præclaris, etiam legibus or-  
navit, in primis clarus ac nobilis. fuit, inquam, Demetrius sapientis-  
simus vir, qui quum Euripides sua quadam in tragœdia dixisset, nul-  
lus fortunati hominis opes, resque admodum prosperas esse stabili-  
les, sed spatio tantum vnius diei perdurare: non nullaque alia addidisset  
in eam sententiam, laudato i. cio eruditissimi illius poetæ, in-  
quit. cetera omnia vere prolata esse, melius tamen eum dicturû fuisse,  
si non diem vnum terminum ipsarum esse, sed momentum & qua-  
si Punctum temporis affirmasset. Sed his relictis, quæ ab optimis  
ingeniis ad erudiendos homines edita sunt, propius accedamus ad  
atrocem hanc plagam contemplandam; & eam, si vlla ratione possumus,  
sanandam. Video vos optimi & honestissimi ciues magno, iu-  
stoq; dolore commotos, quibus molesta est grauisq; hæc ingens ia-  
ctura. vel potius repentina & inopinata calamitas: intelligoque vos  
non tantum angî interitu indignissimo huius castissimi adolescen-  
tis, quem in oculis ferebatis: cuique & longam vitam & omni deco-  
re ornatam optabatis, sed etiam dolere vicem optimi principis, qui  
orbatus est eo filio, quem vnice amabat: & in quo etiam multas suas  
magnasque spes non sine causa collocabat. Est ille quidem constan-  
tissimus omnium, & admirabili quadam animi magnitudine prædi-  
tus. Sed nullus est tam fortis vir, quem non moueat huiuscemodi  
aliquis subitus & inexpectatus casus, & è statu pænæ metus deiiciat:  
Aliud quoque est, quod (vt in malis) consolationem ei affert, quod  
non est ipsi nouus hic dolor, sed assuetus est his malis tolerandis.  
Quamquam hæc ægri tudo acerbissima omnium est: magisque pe-  
ctus ipsius fodit ac labefactauit:  
Ah sæua fortuna nimis iniqua es: nimisq; tibi in ipsum indulges, quæ  
non cessas tam sæpe violare, & nimis crebro huiuscemodi aliquo vul-  
nere deformare. An vires tuas in hoc ostentare vis? patefacereq; om-  
nibus quanta tibi potestas sit nocendi? satis hoc iam satisq; experti su-  
mus, & quæ sit tua temeritas exploratum habemus. Desine igitur, &  
quem malis omnib. rebus ornasti: comite tamen adiuncti tibi. vel du-  
ce potius, sapientia, noli hac in parte vexare: & quantum sit imperiû  
tuum in bonos, improbe declarare. Quantam fuisse putatis ægritu-

dinem matris, lectissimæ atq. optimæ seminæ: quæ prope è gremio  
 suo sibi illum abstrahi vidit: hausitq; oculis hunc dolorem acerbiissi-  
 mum. Sed quum nulla tanta vis orationis sit, qua ipsa impelli possit,  
 vt mœrorem nunc luctumq; deponat, satius esse arbitror id pertran-  
 sire: totumq. hoc sapientiæ ipsius ac grauitati relinquere. **Quantus**  
 etiam fuerit amor in illum sororis, quæ vna è multis superest, noui-  
 stis: illam ego audio conflictari, nec ratione vlla dolorem eius posse  
 mitigari. Nam vir ipsius, nobilissimus ac fortissimus homo, Paulus-  
 iordanus ingētem ægritudinem robore animi superauit: extremūq.  
 hoc munus amoris, aduersante illa, ipsi exhibuit: ac præsētia sua, suo  
 rumque, omni genere luctus mœrorem declarantium, funus hoc ho-  
 nestauit. **Qui** tamen & ipse modo, cum ei nuntiatum esset vxorē  
 interclusa anima inter manus ancillarum collapsam, vixq. posse illius  
 miseræ animum reuocari, eò se repetente proripuit. Maiorem verò  
 fratrem fortunatum iudico, qui lōge nunc absit: præsensq; huic sæuo  
 spē & aculo non adfuerit: minus. n. nos tangunt, quæ auribus accipi-  
 mus quàm quæ oculis cernimus. Eodem pacto fato functas sorores  
 morte sua felices extitisse arbitror, quæ in hunc dolorem seruati nō  
 sint. quarum tamen interitus nobis tunc valde luctuosus fuerit. Sed  
 futurum tempus secum vehat, magna cæcitate animi providere non  
 possumus. Ausim etiam affirmare Pium I I I. pont. max. iniquiss. a-  
 nimo hanc rem tulisse: & si ille proprio dolore, domesticoq. funere  
 hoc tempore oppressus est. qui hunc optimum iuuenem ornauit, &  
 in amplissimorum antistitum ordinem, quum maius ei nihil dare pos-  
 set, cooptauit. Amarat ille quidem semper eum, præclarēq. de ipsius  
 natura, moribusq. existimarat: nec tam vt patris uolūtati satisficeret,  
 tanto honoris gradu ipsum in ea ætate decorarat, quam quia conce-  
 perat animo mirifica quædam de indole ipsius: illumq; sperabat, vt  
 nomine ac vultu, ita etiam factis ac prudentia Leonem X. relaturum.  
 Quæ opinio de virtute ipsius in animo pont. max. valde auctā est (si  
 crescere illa, ampliusq. fieri ullu pacto poterat) quum primū ille Ro-  
 mam profectus est: in omni. n. sermone colloquioq; cum eo, pru-  
 dentiam ipsius grauitatemq. perspexit: animumq. sublimē ac magna  
 semper, altaq. cogitantem cognouit. Redit hoc loco mihi in mentē,  
 quòd litteris ab antiquis mandatum est de Alexandro Philippi filio,  
 qui postea Magnus appellatus est: quum. n. puer adhuc esset, venerūt  
 in Macedoniam Persarum legati absente patre, quibus à se acceptis,  
 sæpe Alexander cum ipsis congressus, ita illos sibi comitate sua & iis,  
 æuq. quæsiuit ex ipsis, deuinxit ac stupore impleuit, vt magnopere eū  
 admirati sint: magisq. à rege suo de pueri illius acriore ingenio, quàm

de Philippi iam senis timeri oportere iudicant: neq; n. aliquid puerile, aut pusillum, sed longitudo viarum, itinerisq; illius rationem exponi sibi uoluit: ac de rege etiam ipso nō pauca interrogauit. quomodo scilicet ille regni fines tueretur, & quales essent copiae Persarū, in quibusq; positae vires ac robur exercituū ipsorum foret. Paria igitur fuisse, quod ad magnitudinem & grauitatem ipsorum pertinet, colloquia ac sermones huius nostri spectantissimi adolescentis cum sapientis. & omni veneratione digno senis. Nec sanē oportet valde mirari omni tempore regum filios plurimū iudicio ac grauitate praestitisse suis aequalibus. quod optime norunt etiam veteres tragici poetae; sapientes viri & qui omnib. in rebus, id quod verisimile esset, lectabatur: illi. n. aetate eam semper sinnerunt singulari prudentia praeditam: saepeq; ab illa dicta ac facta ea faciebant, quae multo plures annos, maioremq; usum rerum requirebant. Sed magnam vim habet e sapientissimis viris procreatum esse, & in plena consilii ac dignitatis domo esse itidem educatum. Non tacebo etiā, quod verē praedicare possum: quodq; cognitum esse plurimis scio, quanta fuerit eius eo tempore, quo Romae uixit, continentia in contemnendis corporis voluptatibus, quanta constantia in omnib. illecebris libidinum repudiis: illic enim, in magna copia proborum & honestorum virorum, numquam defuerunt quidam impurissimi homines, qui his artibus adolescentes aggrediantur: teneramq; eam aetatem obiecta omni specie libidinum expugnare conentur. sed plus apud eū valuit naturae integritas: optimaq; disciplina, quam vlla illorum artificia ac doli, quae sane omnia, quum ad aures pont. max. peruenissent, qui diligenter ipsum seruabat, ac quaecunq; diceret, aut faceret ad se referri mandarat, amor illi veteri in eum tanquam faces admonebant. Obseruantia autem in illum huius optimi iuuenis quanta eo tempore fuerit, uel porius pietas, & uera quidem sinceraq; pietas, non solum tamquam in alterū parentem, sed etiā quasi deum quendam: certē locum illius ac sedem in terris obtinentē, inde etiā intelligi potest, quod extremo vitae suae tempore, paulo antequam vita excederet, in eo oēm mentem cogitationesq; suas defixas habebat: & ita demum totus in ipso occupatus erat, ut de officio etiā ipsius disputaret, & tamquam animum ipsi stimulo nulli genti, addere contra ipsius accerimos hostes non dubitaret. O admirabilem atq; inauditam sanctiss. iuuenis. vel adolescentis potius, probitatem dicam, an sapientiā, siue utrunq; quem neq; recordatio bonorum, quae relinquebat, sollicitaret: neq; propinqua mors, quae uiros quoq; & fortes sanē, praestaret: etiā uiuos comouet, perturbat, sed de officio tantum, ac proprio munere eius personae, quam

sustinebat, cogitarit. Hæc igitur fuerunt extrema uerba, quæ edidit, hoc ipso sermone prolata, & nulla penè uoce immutata. Quum. n. primum ad diuos Petrû Paulumq; mētem atq; orationem direxisset, rogauit illos suppliciter, ut sibi adessent apud deū opt. max. studioq; suo efficerent, ut piâ sedē, salutaremq; animo suo præberent. statimq; tamquam ad præsentem pont. max. quem animo cernebat, uerba fecit: a quo etiam, ueluti uero dei opt. max. qui nobis salutem dedit, uicario, postulauit ea quæ moris est, eo tēpore postulare: ut sibi. signosceret, manuq; sua sibi propicia se expiaret, atq; omni labe purgaret. Quibus iā editis, altiore uoce, & ita uehemēti, ut penè oīs qui restabat, ipse, cum ea cōsumptus sit, inquit. Noli pont. max. pertimescere: noli imperū ullum aduersariorū reformidare: noli de euentu horum malorum tecū dubitare, quāuis. n. cuncta Germania, Britannia, Gallia conspirant in perniciem Romani principatus, ac veræ Christianorum pietatis numquā tamen tantum uirium habebunt, ut Petri nauim, quāuis cōtrariis uentis agitatā, ac penè fluctibus, scelere illorum, demersam, euertere possint, ac iusto gubernatore spoliare, Quin potius ipsi impii, non apud inferos tantum, sed hic etiam, sui parricidii penas luent, ac maximis meritisq; suppliciis afficientur. Quis umquam tam admirabilem constantiam ab illa ætate expectasset? quis tantam grauitatem tam firmas illic radices egisse existimasset? quis tantum mortis contemptum in adolēscēte reperiri posse credidisset? sed nihil est, quod non efficiat natura, de quo supra disputatum est, nisi malis moribus, prauisq; opinionibus deprauetur, quum accedit autē disciplina, institutioq; uera, tunc eximii inde fructus exoriuntur, ac cico quidem omne illud prouenit, quod in aliis, qui naturæ conatum studio nullo adiuuissent, serius idemq; imperfectius extitisset: Sed domum iam, unde multū digressi sumus, redeamus: Romamq; ac pont. maximum, cuius fortasse augustissima persona, in re tam tristi tractanda, nimis abusi sumus, relinquamus, Erat sanè iam antea cuncta ciuitas dolore magno commota: statimque, ut tristis hic nuntius venit, summi, medii, atque infimi mirum in modū affligi cœperunt. quum verò auditum esset appropinquare mortuum eum, quem uiuū videre maluissent, vniuersi se illa ad portam obuios effuderunt. Erat, inquam, ciuitas antea mœsta, sed ut visum est pheretrum, quo uehebatur: atrataque illius cohors, quæ super premium hunc ipsius honorem comitata est, gemitu ac ploratu omnia complens, maiorem in modum ægritudo publica aucta est: cunctaque vndique clamoribus ac lamentationibus personarunt. nec facile aliquis tantam vim doloris: tamque inenarrabilem plangorem, et quasi

quasi mugitum quendam, qui non adfuisse, complecti animo posset. Nobiles illi atque honesti viri clamabant se mitissimum atque humanissimum dominum perdidisset: & qui de commodis ipsorum toto animo semper cogitabat. Multitudo nostrorum, quæ magna astabat, quasi respondebat se deliciis suis orbatam esse, & eo, quem sibi quandoque magno ornamento futurum confidebat. Nam fletus familiarium quantus fuerit, si qui forte illic non adfuisse, quum in urbem ingressi sunt, facile ex præsentis ipsorum mœrore intelligere potestis: qui ægre sibi hoc in loco ab effusa lamentatione temperat, ac præ se ferunt omni suo aspectu tristitiam infinitam. Sed illi (ut spero) quum docti viri ac prudentes sint, ægritudini vim adhibebunt: frenosque iniicient dolori. quod etiam mihi videor posse polliceri de ceteris, qui ex hoc acerbo casu incredibilem dolorem susceperunt, qui multi mortales sunt, atque omnes ferè qui in his aut propinquis regionibus viuunt. Quis enim tam durus, & inhumanus est, qui non valde huius morte indoluerit: statimque ut audiunt, non toto corpore contremuerit? Debetis igitur & vos prudentissimi ciues, quum hoc mundus obieritis, mœrorem vestrum minuere. luctuique ac lacrimis modum aliquem facere. Nam, quod consolari omnes debet: in primis autem parentes, ut maiore sapientia præditos: veroque ipsius bono magis gaudetes, putare debemus ipsum à Deo optime euocatum: & ex his tenebris miseris que esse ereptum. Sinamque, præci illi, qui veræ pietatis rudes erant, putabant deos diligere eum, qui paruus mortuus esset, quâto magis nos ita sentire debemus, qui bus penitus cognita est egregia conseruatoris nostri voluntas erga nos: curantis sedulo nostras utilitates, atque in salutem hominum toto animo incumbentis: quamuis à mortalibus, parum videntibus, aliquando ratio ipsius consiliumque ignoretur: ægreque, illi ferant eâ quibus maxime lætari ipsos oportebat, ut in huiusmodi casibus plerumque contingit. Euocatum autem: & è terrenis in superas cælestesque sedes sublatum, non tantum ne diutius in corpore, tamquàm in custodia quadâ, integerrimus ipsius animus victus esset, sine in busto quodâ viuo defossus, sed ne versaretur amplius in his nouis grauiusque malis: personamque quam gerebat, non posset ob discordias tumultusque intestinos, qui remp. Christianam lacerat, cum dignitate rueri: vix enim humanis opibus medicina huic pesti adhiberi potest. Quod si ipsum non orbatum magnis vitæ comodis arbitraberimur, sed ex ingenti mole molestiarum diuino consilio ereptum credemus, facile modum lacrimis adhibebimus: vel potius hac ipsius commutatione loci, migrationeque in meliorem multo sedem, gaudebimus. Quod ego vos facere prorsus oportere censeo, ac si facietis, rem di-

gnā Christiana pietate & sapientia vestra geretis: & quæ mirifice cō-  
ueniat spei, quā cōceptam animo merito habemus de nouā cōdicio-  
ne vitæ: statūque vñdique beato huius optimi & sanctissimi adole-  
scētis. Vos autem sacerdotes optimi: & religiosissimi huius san-  
custodes, qui tāa pietate, tantoque affectu operam huic funeri dedi-  
stis, precibusque vestris fortunatissimum iter huius integerrimi iu-  
uenis adiuuistis, & tamquam viā illi muniuistis, quum rem diuinam  
absolueritis, in monimentis ipsū illis suorum maiorū manibus ve-  
stris collocare. quæ cū multis modis ornata sint, & studio etiā opti-  
mi opificis fabricata, maiorem quidē certe splendorem capiet ex vno  
hoc corpore huius castissimi iuuenis, quā ex omni alia materia, &  
arte vnde conflatā sint. Nā illud ipsum bustū, quo ipse inlatus fuerit  
erit ad omnem memoriā posterorū ara probitatis, allicietque præ-  
ter cetera, oculos ad se spectantiū: nec vlla vñqua ætas, viso illo, de  
laudibus ipsius cōticescet: quāta enim vis admonitionis sit in locis,  
& quā libēter homines visant monimenta, in quibus honore ma-  
gno digni homines siti sint, ac reliquæ aliquæ ipsorū conditæ, notū  
est. Nunc autem, quum quantū in me fuit, officium tibi meū præ-  
stiterim: & partes etiam aliorū ornauerim, mihi ipsi si prospiciam, re-  
prehēdi nō possum, præsertim quum iam tamquam cū quodam no-  
uo deo: ac cælestes sedes incolente, agēdum sit, huiuscemodi enim mi-  
hi species tua obicitur, ac videor mihi videre te vñā cum purissimo  
illo grege diuinorum ministrorum exultātem. Quare te rogo san-  
ctissime ac beatissime iuuenis, vt mihi ignoscas, si quū tuas laudes  
toto pectore celebrare voluerim, atque hoc sane onus mihi imposi-  
tum fuerit, quod tamen firmioribus humeris dignum erat: ne dum  
eas, vt debebam, augere potuerim, aut saltem vt erant, sine vllō orna-  
tu exponere, potius ipsas cōtriuierim ac valde tenuitate ingenii mei  
extenuauerim: multa enim fuere quæ conatum hunc meū impediue-  
rūt. in primis autem magnitudo ipsarū, nec enim exiguo hoc tempo-  
ris spatio ipsæ enumerari potuerunt. Quæ res etiam fecit, vt non  
auderem de paucitate dierū, immo horarum, quæ mihi datæ sunt ad  
meditādum, queri: si namque tua virtus vlla alicuius accurata oratio-  
ne satis explicari posset, iustā causam accusandi illos habuissē. Dein-  
de mæror, qui me, vt ceteros omnes, primo consecit, ac vehemēter  
perturbauit, sed etiā memoria imbecilla, vt in sene, causa huius, aliis  
tamen magis quam tibi, damni esse potuit. aliaq; non nulla, quæ in  
re minime necessaria, omittenda decreui: quum enim animi mei sen-  
sus præclare nunc tibi cognitus sit, & quæ semper fuerit voluntas  
mea erga te numquam fallere potuerit, spero te mihi, sedulo hoc ro-  
ganti, ignoturum, qui nihil vñquam alicui, quod honeste & te pe-  
teretur, negare conuēssi. Dixi.

